

衢州文獻集成

「史部」

第
75
冊

衢州文獻集成

黃靈庚

諸葛慧艷

主編

〔史部〕

第
75
冊

國家圖書館出版社

(清)朱鳳台修 (清)徐世蔭纂

「順治」開化縣志十卷
(卷七至十)

清康熙二十三年(1684)增修本

第七五冊目錄

〔順治〕開化縣志十卷(卷七至十)

(清)朱鳳台修 (清)徐世蔭纂
清康熙二十三年(1684)增修本

..... 一

〔雍正〕開化縣志十卷(卷一至二)

(清)孫錦修 (清)方嚴翼 徐心啓纂
清雍正七年(1729)刻本

..... 二四五

莒文志

開人文散佚良多然據舊志合之碑版家藏已不勝收矣爰彙採而讐訂之或發志所未發或與志相發必於名教乎有裨或吾開所表章或表章吾開要以是非之不繆風流文采垂映山川議論詠歌興起百世期有徵而可信亦奚贊乎一詞志莒文

王言

宋參知政事張昇除大傅行正部侍郎充樞密使制樞密之職式憲天工帷幄之司蓋陪國諭苟非忠碩

之望加以肅明之資庸副春毗疇克僉允

具官張昇

朝之

俊又時之老成敦潔廉以表其躬執亮直以固其節
踐揚二府裁叙庶工歷歲于今秉心不懈眷言宥密
之地重寄經綸之才進秩冬官參華帝傳衍戶奠食
崇階茂勲併擁嘉休以獎賢輔於戲兵帥之本唯嚴
明乃能申威命令所基非恪愼不足成務時乃舊服
無煩訓辭

宋樞密使張昇授大尉同平章事充彰信軍節度使

判許州制

夫達進退之分則臣節高篤始終之恩則君道大舉
予者艾之德久顓機密之司寵至而色愈兢年踰而
志彌劬匪推殊獎曷表羣倫

具官
張昇

敦簡廉之風賦莊

厚之體蚤陞華于政路遂長議于樞庭從容樽俎之
間游收奇策密勿廟堂之上預定大謀自先帝之升
遐方冲人之在疚顧家多難有若涉川之危繫國大
臣遂成奠枕之泰嚮屢嬰於疾苦每願解於機繁朕
惟眷春秋之高不忘忠義之至俞旨未下素尚益堅
空膺台鉞之榮用寄藩符之秩陪始荒之奉邑衍新

食之真封舉示褒章式旌美績於戲安世且老豈不
有夙夜之勞申伯于行是亦具文武之憲載惟令聞
奚媿前修

宋戒百官勤修職事詔中書舍人程俱誤

朕惟治古之時在位者皆有秉德率義干城衛上之
心在職者皆有首公徇國砥節勵行之操故下焉如
手足之衛頭目上焉如元首之有股肱是以有所不
爲爲無不成有所不征征無不服於乎何修而可以
臻此與朕遭時艱危枕戈嘗膽者五年於茲矣貪婪

口憑陵之勢未已凋殘之境愁嘆之聲相聞仰惟
祖宗之謨烈遠懷二聖之北狩中夜待旦如臨深淵
眇然遠思未知攸濟夫內修政事外攘口口固朕之
志也然明將勵翼作而行之於下者非公卿將帥士
大夫之任乎乃若行汚而寄治靜言而用違進無去
病辭第之忠退無羔羊素絲之節收恩媚俗者莫肯
去做同事奪便者常懷利心以長慮爲私憂以媮惰
得計有一于此無何類焉兵革不興將二百載四
無虞士大夫庸懦無類而享安榮者固我家之

澤也今天下騷動而不與吾共安利之可乎書曰無
曠庶官夫主人其代之詩曰靖其爾位好是正直神
之聽之介爾景福夫天工是代而神實臨之其可食
其食而饜其事哉主大夫其恪勤無忽爾亦有無窮
之聞可不欽哉

宋余玠封金紫光祿大夫上柱國少師兵部尚書誥

命

制曰君臣相須成體股肱良而元首乃尊政事要在
得人綱紀張而衆目乃舉朕遴遴賢佐協圖治功卿

膺名世之期國有興邦之俊肆頒大號用詔群工
紫光祿大夫上柱國兵部尚書余玠才博而宏氣剛
以大出處行藏皆合乎道生死禍福不二其心謀國
盡忠常若著龜之先見挺身植節不殊松栢之堅操
堂堂社稷之臣奕奕廟廊之器定策以安劉氏素聞
周勃之賢謀謨而翼舜朝終賴臯陶之智若通和遣
使之失朕已曉然而伐讐討叛之圖衆多疑者自卿
制勝屢建奇勛鑒茲獻納嘉謀允錫明揚盛典嗚呼
君不借才於異代所資當世之英豪天將降任於是

人爰著匡時之勛業朕既兼收於群策汝其勿替於
分陰欽此綸音益隆化理嘉定四年正月初十日誥
明刑部侍郎吾紳授通議大夫誥命

奉

天承運

皇帝制曰朕惟刑者古先聖王用以

輔治而慎重焉朕承丕緒欽恤之心孜孜夙夜夫秋
官卿之建敬祥刑以重民命長我國家亦必資貳佐
協成厥勲爾刑部右侍郎吾紳發身賢科荷宗祖
期待之隆簡進學於中秘預勤纂修歷職郎署陞貳
春官暨佐外藩咸著聲績迨遷斯秩益懋厥官茲特

省其或親歿而欲養卽逮亦令歸致祭享恩齊美
隆著爲盛典惟卿學問老成才德並美受知先皇
曆踐華秩而忠愛之心老而彌篤復膺寵遇以卿
端方足爲儀表俾翼予躬朝夕諄誨啓迪良多今
以焚黃告歸有不容遏予懷眷眷深惜其去尚期
重來勉圖忠孝以匡我王家以懋乃績則卿永有
令譽而予亦有無涯之福也故序宣德元年八月
明襄王殿下賜題江景房陰德卷 余在講筵紀
善江秉心出元張樞書江景房沉籍事知其子孫

在宋者紆朱曳紫踵接後先至萬里爲尤顯陰德之報信可徵也今秉心以富贍之才充實之學在余左右裨益良多因採書垂裕後昆四字題其卷首以褒美之宣德戊申閏四月朔

明宋淳督撫四藩勅諭

勅都察院右副都御史宋淳江西福建廣東湖廣詹布政司交界去處山高嶺峻樹木蒙密累有盜賊生發東進則西竄南捕則北奔且因地連各境事無統屬彼此推調特命爾前去巡撫江西南安贛州汀州

漳州廣東南雄韶州惠州潮州各府及湖廣郴州地
方提督軍務撫安軍民修理城池禁革奸弊一應地
方賊情軍馬錢糧事宜小則徑自區畫大則奏請定
奪爾常在汀贛二府住劄不時往來于原擬各府州
巡視但有盜賊生發即便嚴督各該兵脩守巡并各
軍衛有司設法剿捕選委廉能屬官密切體訪及僉
所在大戶并被害之家有智力人丁多方追襲量加
糧賞或募知音之人陰爲鄉導或購賊自相斬捕或
聽脅從并亡命窩主人等自首免罪仍各嚴加戒約

應捕人員務拏真正賊犯不許妄拏平人及容賊挾
讐板引因而嚇取財物擾害良善軍衛有司官員中
政務脩舉者量加獎勸其有貪殘畏縮悞事者文職
五品以下武職三品以下徑自拏問發落事有應與
各該鎮巡計議者亦須計議而行爾爲風憲大臣須
廉正剛果肅清積弊以副朝廷委任如或處置乖方
反致他虞罪有所歸爾其欽承之母怠母忽故勅嘉

靖三十七年六月二十一日

明中書舍人吾鬻進階徵仕郎勅命

奉天承命皇帝制曰國家置中書之官與外制之務雖官僚衆盛而無統攝之嫌雖文翰繁多而無簿書之冗是乃清華之選宜儲俊乂之才爾中書舍人吾嵩經術本於家傳德器繇於天稟蚤膺鄉薦遂擢儒官旋領甲科載登禁署分司掄命實專書翰之勞勵志官箴確守蘖冰之操賢勞旣積最考是書宜有渥恩以示襄勸茲特進爾階徵仕郎錫之勅命於戲官在明揚簡拔尚需於來效恩當畚報懋修勿替於初心勉副訓詞嗣膺顯擢欽哉